

Samningur

Nr. 85

28. okt.

28. nóv.

um

póstsbandið milli Íslands og Danmerkur.

Póststjórnirnar á Íslandi og í Danmörku hafa, að fengnu umboði, komið sjer saman um eftirfarandi sjerstök ákvæði um beint póstsband milli nefndar landa.

I. Póstflutningurinn.

1. gr.

1. Hvor póststjórnin um sig annast og kostar póstflutningana frá sjer til viðtökulandsins. Með sjerstökum samningi milli póststjórnanna geta þó póstflutningarnir orðið framkvæmdir eftir öðrum ákvæðum.

Póstflutning milli lendingarstaðar og hlutaðeigandi póshúss annast og kostar póststjórn viðtökulandsins.

2. Sem borgun undir póstsendingar frá öðru landinu til hins, er finnast í skipsbrjefakössum, án þess að póststjórnin hafi áður haft þau til meðferðar, gilda frimerki beggja landa.

II. Millirikja brjefasendingar.

2. gr.

Burðargjald undir brjef, spjaldbrjef og sumar krossbandssendingar, í beinu sambandi.

1. Burðargjald undir brjef milli Íslands og Danmerkur er sem hjer segir:

Undir brjef er vega 20 gr eða minna 15 aurar

— — — — yfir 20 gr. að 125 gr. 30 —

— — — — — 125 gr. — 250 gr. 45 —

Ákvæði alþjóðapóstsamningsins gilda um burðargjald undir þyngri brjef.

Verði þyngdarmörkunum fyrir brjef innanrikis breytt í öðruhvorum landinu, eða ef alþjóða breyting verður á þeim, geta póststjórnirnar samþykkt samsvarandi breytingar á þyngdartakmörkum þeim, er grein þessi ákveður.

2. Burðargjald undir einfalt spjaldbrjef er 10 aurar og undir spjaldbrjef með fyrirfram greiddu svari 20 —
3. Undir óbörguð eða vanborguð brjef og spjaldbrjef skal heimta burðargjald

- Nr. 85 það er á vantar, ásamt 10 auru aukagjaldi fyrir hverja sendingu, þó eigi
 28. okt. meira en tvöfalt burðargjald það, er á vantaði.
 28. nóv. 4. Undir krossbandssendingar, sem eingöngu hafa að innihaldi upphleypta skrift
 með punktum og bókstöfum til notkunar fyrir blinda menn, er burðargjaldið
 5 aurar fyrir hver 500 gr. eða minna.

Hámarksþyngd slíkra sendinga er ákveðin 3 kg.

5. Ábyrgðargjald fyrir brjefasendingu er 15 aurar.
6. Gjald fyrir viðtökukvittun er hið sama sem fyrir einfalt brjef.
7. Minsta gjald fyrir viðskiftaskjöl er hið sama sem burðargjald fyrir einfalt brjef.
8. Af milliríkja brjefapóstflutningum milli Íslands og Danmerkur þykir ekki ástæða til að reikna sjóflutningsgjald.

3. gr.

Brjef með tilgreindu verði.

Undir brjef með tilgreindu verði, er send eru milli Íslands og Danmerkur skal greiða, auk brjefburðargjalds samkv. 2. gr. og venjulegs meðmælingargjalds, ábyrgðargjald, er nemur 32 aurum fyrir hverjar 250 kr. eða minna.

Ábyrgðargjaldið skiftist þannig, að Ísland fær 20 auru, Danmörk 4 auru og það landið, er annast sjóflutninginn, 8 auru fyrir hverjar 250 kr. eða minna.

4. gr.

Póstávisanir.

Burðargjald undir póstaávisanir milli Íslands og Danmerkur er svo sem hér segir:

Fyrir upphæð alt að 25 kr.	15 aur.
— — yfir 25 — að 100 kr.	30 —
— — — 100 — — 200 —	45 —
— — — 200 — — 300 —	60 —
— — — 300 — — 400 —	75 —
— — — 400 — — 500 —	90 —
— — — 500 — — 600 —	105 —
— — — 600 — — 700 —	120 —
— — — 700 — — 800 —	135 —
— — — 800 — — 900 —	150 —
— — — 900 — — 1000 —	165 —

Póstávisunarburðargjaldið skiftist jafnt milli beggja landanna, á þann hátt er póststjórnirnar verða ásáttar um.

5. gr.

Póstkröfur á brjefasendingum.

Nr 85

28. okt.

28. nóv.

Hæsta póstkröfuupphæð, sem lögð verður á ábyrgðarbrjef og brjef með tilgreindu verði milli Íslands og Danmerkur, er ákveðin 1000 kr.

Innheimtugjaldið er 10 aurar.

6. gr.

Póstinnheimtur.

Hæsta upphæð í póstinnheimtuviðskiftunum milli Íslands og Danmerkur, er 1000 kr.

Innheimtugjaldið er 10 aurar.

III. Millirikja póstbögglaendingar.

7. gr.

Þyngdartakmörk böggla o. fl.

Bögglar milli pósthúsanna á viðkomustöðum póstskipanna á Íslandi mega vega alt að 5 kg., en bögglar þeir, sem ætlast er til að sendir verði áfram með íslenskum landpóstum mega aðeins vega 2,5 kg. Þeir mega ekki vera yfir 46 cm. á lengd og ekki yfir 23 cm. á hæð eða breidd.

Myntsendingar mega þó vega alt að 8 kg.

8. gr.

Burðargjald undir böggla.

1. Burðargjald undir einstaka böggla milli landanna er svo sem hjer segir:

Undir böggla, er eigi vega meira en 1 kg.	100 aurar
— — - vega yfir 1 kg., en ekki yfir 3 kg.	150 —
— — - — — 3 — - — — 5 —	180 —

Undir rúmfreka böggla skal greiða 50% meira,

Um það hvað sje rúmfrekir bögglar, gilda innanrikisákvæði afgreiðslu-landsins.

Undir myntsendingar, er vega yfir 5 kg., er burðargjaldið svo sem hjer segir:

Undir böggla, er vega yfir 5 kg., en ekki yfir 6 kg.	250 aurar
— — - — — 6 — — — — 7 —	300 —
— — - — — 7 — — — — 8 —	350 —

Undir böggla, er sendast eiga annað en á viðkomustaði póstskipanna, hefir póststjórnin íslenska rjett til að heimta af viðtakendum sjerstakt gjald, hið svo nefnda landburðargjald.

- Nr. 85 2. Burðargjald undir böggla skal að öðru leyti ætíð greiðast fyrirfram, um leið
 28. okt. og sendingar eru látnar í póst.
 28. nóv. 3. Burðargjaldið skiftist þannig:

	Ísland		Danmörk		Það landið, er annast sjóflutninginn	
	Alm.	Rúmf	Alm.	Rúmf	Almennir	Rúmfrekir
	Aur.	Aur.	Aur.	Aur.	Aur.	Aur.
1 kg.	50	75	20	30	30	45
1—3 —	54	81	24	36	72	108
3—5 —	56	84	26	39	98	147
5—6 —	65	—	35	—	150	—
6—7 —	75	—	45	—	180	—
7—8 —	85	—	55	—	210	—

4. Sje verð tilgreint, greiðist, er sendingin er látin í póst, auk ofangreinds burðargjalds, sama ábyrgðargjald sem undir brjef með tilgreindu verði.

Ábyrgðargjaldið fyrir verðböggla skiftist á sama hátt sem ábyrgðargjald fyrir verðbrjef.

9. gr.

Póstkröfur á bögglum.

Milli Íslands og Danmerkur má leggja á böggla póstkröfuupphæð, er nemur alt að 1000 kr.

Póstkröfugjaldið er sem hjer segir:

Fyrir upphæð alt að 15 kr	15 aurar
— — yfir 15 kr. að 25 kr.	25 —
— — — 25 — — 100 —	40 —
— — — 100 — — 200 —	55 —
— — — 200 — — 300 —	70 —
— — — 300 — — 400 —	85 —
— — — 400 — — 500 —	100 —
— — — 500 — — 600 —	115 —
— — — 600 — — 700 —	130 —
— — — 700 — — 800 —	145 —
— — — 800 — — 900 —	160 —
— — — 900 — — 1000 —	175 —

Póstkröfugjaldið skiftist jafnt milli beggja landanna á sama hátt sem burðargjald fyrir póstávisanir.

10. gr.

Reikningsskil.

Reikningsskil milli landanna, um innieign þeirra hvors hjá öðru, fara fram á þann hátt, er póststjórnirnar verða ásáttar um.

11. gr.

Ábyrgð.

1. Auk skaðabóta þeirra eftir venjulegum alþjóðareglum, sem greiddar eru fyrir glataða ábyrgðarbrjefssendingu, hefir sendandi ábyrgðarbrjefs-sendingar, sem hefir verið innsigliuð samkvæmt gildandi fyrirmælum um verðbrjef, enn fremur rjett til, þegar innihald sendingarinnar er horfið að nokkru eða öllu leyti eða hefir orðið fyrir skemdu á annan hátt, meðan það var í vörslum póststjórnarinnar, að fá greiddar skaðabætur, er samsvari tjóni því, er hlotist hefir af áverknum eða skemdunum, nema því að eins, að yfirsjón eða skeytingarleysi sendanda sje um að kenna, eða ásigkomulagi sendingarinnar.

Skaðabæturnar mega þó aldrei nema meiru en 36 kr.

2. Skaðabætur fyrir milliríkjaböggul án tilgreinds verðs, sem hefir glatast, innihaldið horfið úr að nokkru eða öllu leyti eða á annan hátt orðið fyrir skemdu, ákveðast eftir sanngildi áverkans eða skemdanna, að svo miklu leyti sem þær hafa ekki orsakast vegna yfirsjóna eða skeytingarleysis sendanda, eða eru afleiðingar af ásigkomulagi sendingarinnar.

Skaðabætur fyrir böggul geta þó eigi numið meiru en 20 krónum.

Fyrir glataða böggla og böggla með eyðilögðu innihaldi að nokkru eða öllu leyti, greiðist jafnframt — ef skaðabæturnar eru greiddar sendanda — burðargjald það eftir þyngd böggla, er greitt hefir verið undir þá fyrirfram.

3. Þó að ábyrgðarbrjef glatist eða verðbrjef eða böggull glatist eða skemmist vegna atvika, er stafa af ofurefli (vis major), þá losar það ekki póststjórnirnar við skaðabótaskyldu, að því er snertir milliríkjasendingar í beinu sambandi.

12. gr.

Afgreiðslu-reglugjörð.

Póststjórnir beggja landanna hafa heimild til, í sjerstakri afgreiðslu-reglugjörð eða með skriflegu samkomulagi, að setja nánari ákvarðanir, er nauðsynlegar kynni að þykja til framkvæmdar samningi þessum og til að greiða fyrir póstviðskiftunum

Nr. 85
28. okt.
28. nóv.

13. gr.

Hvernig nota skuli alþjóða-ákvæðin.

Beri svo við um einhver atriði, að engin ákvæði um þau sju fyrir hendi, hvorki hjer að framan, nje í afgreiðslu-reglugjörð þeirri, sem 12. gr. ræðir um, eða að um þau hafi orðið samkomulag með brjefaskriftum, skal farið eftir alþjóðapóstsamningunum og afgreiðslureglugjörðunum, er þeim fylgja.

14. gr.

Gildi samningsins.

Samningur þessi öðlast gildi hinn 1. janúar 1920; samtímis eru afnumin nógildandi ákvæði.

Samningur þessi gildir um óákveðinn tíma. Hvor samningsaðili getur sagt honum upp fyrir sitt leyti með árs fyrirvara.

Saminn í tveim eintökum og undirskrifaður

í Reykjavík, hinn 28. nóv. 1919, og í Kaupmannahöfn, hinn 28. okt. 1919.

S. Briem.

(L. S.)

Kiörboe.

(L. S.)

Afgreiðslu-reglugjörð.

Nr. 85
28. okt.
28. nóv.

við

samninginn um póstsambandið milli Íslands og Danmerkur.

Póststjórnirnar á Íslandi og í Danmörku eru orðnar ásattar um, að við póstflutningana milli Íslands og Danmerkur skuli gilda eftirfarandi sjerstök reglugjörðar-ákvæði.

§ 1.

Sjerstök fyrirmæli um nokkrar tegundir brjefapóstsendinga.

1. Sem umslag utan um brjef, sem hvorki er mælt með nje ábyrgð keypt á, má nota svo nefnd glugga-umslög, í samræmi við innanrikis ákvæði afgreiðslulandsins.
2. Utanáskrift á spjaldbrjefi má setja á pappírsræmu, sem límd er neðst á lengri hlið þess og fellur upp að henni, með því skilyrði, að breidd ræmunnar nemi eigi meiru en helming af breidd spjaldsins.
3. Svo nefnd góðgerðarmerki má láta á allar tegundir póstsendinga, nema ábyrgðarsendingar og sendingar með tilgreindu verði.
4. Krossbandssendingar, er eigi verður komið til skila, sem innihalda óverðmætt prentað mál og bera eigi áteiknun um, að endursendingar sje óskað, verða eigi endursendar til afgreiðslulandsins, heldur eyðilagðar.

Bækur, bæklinga og áskriftarrit skal þó ætíð endursenda.

§ 2.

Brjefa- og verðbrjefaskrár.

Í póstviðskiftunum milli Íslands og Danmerkur skal nota brjefa- og verðbrjefaskrár samkvæmt reglum þeim og fyrirmyndum, sem gefnar eru í alþjóða afgreiðslu-reglugjörðunum. Þó geta póststjórnirnar ráðið því, hvort þær hafa skrárnar á sinni eigin tungu eða frakknesku.

§ 3.

Fyrirspurnargjald.

Gjald undir fyrirspurn um ábyrgðarsendingu, verðbrjef eða böggul er jafnt lægsta brjefburðargjaldi.

Nr. 85

28. okt.

28. nóv.

§ 4.

Hraðboðasendingar.

Hraðboðasendingar eru teknar til flutnings til þeirra pósthúsa í báðum löndunum, sem taka þátt í slíkum viðskiftum innanríkis.

Hraðboðagjaldið er 36 aurar fyrir böggla og 20 aurar fyrir allar aðrar sendingar.

§ 5.

Afgreiðsla á bögglaþósti

1. Við skrásetning böggla, bæði milliríkja og við einstaka áframsenda böggla, skal nota skrár, er póststjórnirnar koma sjer nánar saman um.

Skrásetning á áframsendum póstbögglum skal hagað í samræmi við hin almennu alþjóðaákvæði.

2. Landburðargjald það, er íslenska póststjórnin heimtar undir böggla, sem óskað er eftir, að sendir sje með landpóstum á Íslandi, er ákveðið 40 aur. fyrir hvert $\frac{1}{2}$ kg. eða minna af þyngd böggulsins á tímabilinu frá 15. apríl til 14. október og 40 aur. fyrir hver 125 gr. eða minna frá 15. október til 14 apríl.

§ 6.

Afhending póstflutningsins.

Afhending verðpóstpoka og bögglaþóstpoka fer fram gegn gildri kvittun frá viðtakanda til þess sem afhendir.

§ 7.

Innritun á yfirlitsskrár o. fl.

Aðkomnar brjefa- og verðbrjefaskrár skal viðtökupósthúsið, að því er snertir brjef með tilgreindu verði, sem talin eru á skránum, innrita á sjerstaka yfirlitsskrá.

Yfirlitsskrár þær, er pósthúsin á Íslandi gera, ber að senda mánaðarlega ásamt póstsendingaskrám þeim, er þær [snerta, til aðalpóststjórnarinnar í Danmörku, sem annast um, að þær sje innritaðar á samandregna skýrslu. Upphæðir þeirrar skýrslu verða síðan teknar í aðalreikning þann, er § 8 ræðir um.

Á sama hátt skal farið með sjerhverja aðkomna bögglaþóstskrá.

§ 8.

Reikningsskil.

Aðalreikningarnir milli beggja póststjórnanna skulu gerðir ársfjórðungslega af aðalpóststjórninni í Danmörku og sendir póststjórninni á Íslandi.

Reikningsmunurinn greiðist strax eftir sendingu eða viðtöku reikningsins. Nr. 85
 Villur, sem fyrir kynni að koma, leiðrjettast í næsta aðalreikningi. 28. okt.
 28. nóv.

Samin í tveim eintökum og undirskrifuð

í Reykjavík hinn 28. nóv. 1919 og í Kaupmannahöfn hinn 28. okt. 1919.

S. Briem.

Kiðrbøe.

Uppprentun

Leiðrjetting

Í lögum nr. 20, 6. okt. 1918 um dýrtíðar- og gróðaskatt, 1. gr. 2. málsgr.
 á að standa:

Af tekjum frá 35000 kr. að 40000 kr. $3\frac{1}{2}\%$ í stað $3\frac{1}{4}\%$ sem er rangt.

Ritstjórn Stjórnartíðindanna.